



Vaalrivier Nuusbrief



Die Kekkelbek



Jaargang 38

Uitgawe 3

Oktober2017

INHOUD:

GEDAGTE VIR DIE DAG

VAN DIE VOORSITTER

REDAKSIE

FOTO ALBUM

BOE BOE

LAG 'n SLAG

LIEF EN LEED

KAMP PROGRAM VIR 2017/2018

GEDAGTE VIR DIE DAG:

2 Kor 12: 9-10. “My Genade is vir jou genoeg. My krag kom juis tot volle werking wanneer jy swak is.”

“Daarom sal ek liever oor my swakhede roem, sodat die krag van Christus my beskutting kan wees..

Daarom is ek bly oor swakhede, beledigings, ontberings, vervolging en moeilikhede terwille van Christus, want as ek swak is, is ek sterk.”

2 Tes. 3:5 “Mag die Here julle gedagtes rig op die liefde van God en die volharding van Christus”

1 Kor 15:57. Maar ons dank God dat Hy aan ons die oorwinning gee deur ons Here Jesus Christus.”

Gebed: God ons Vader, beskik oor die mens en sy lotgevalle, ons kom buig in eerbied voor U neer en verootmoedig ons self en bely dat ons swak en sondig is en dat ons diep afhanklik van U genade is. Vader verhoor ons gebede en kom maak ons land weer vry van misdaad, geweld en onsedelikheid.

U het ons beveel om na U terug te keer sodat ons gered kan word. Daarom verskyn ons vandag voor U o Vader en smeeke wees ons genadig.

Here gee ons die krag en verstand om ons nie te laat mislei deur die valse profete nie, maar dat ons slegs na U wil sal strew.

Amen.



Van die Voorsitter



Voositterbrief

Geagte Vaalrivier lede. Terwyl ek my Bybel lees, dink ek dat ek nie besef watse voorreg dit is dat ek leef nie. Ons is heeltemal te ingeskakel in die heedentyds. Ons almal weet dat die hele wereld besig is om al vinniger uit te rafel. Al hoe meer mense het al minder respek vir lewe. Nou die dag is 28 mense doodgeskiet in n kerk in Amerika. Ons eie land se boere word ongenadiglik uitgemoor. Hierdie gedagtes versmoor ons eie vrede en vreugde omdat ons bestaan eintlik behoort te draai om voorbereiding vir die ewige lewe saam met God. Ons maak dalk te veel van ons huidige omstandighede in die vlees, en leef nie ons opgewondenheid uit in die hoop op ewigheid nie. Dis net God wat hierdie denke verskuiwing kan maak, en dan ook net as ons die geregtigheid van Sy koninkryk nastreef. Waar le jou hart vandag?

Terug by SAWA, ek staan in vir Reney by die volgende toe NUB. Ek hoor dit is waar mens die ware hart van nasionale SAWA ondervind. Waar verantwoordelikheid n ernstige besprekingspunt is, en waar die diep leemtes in ons organisasie aangespreek word. Ek sien uit na die ondervinding, al los die onbekendheid n krielrigheid in my gestel.

Jammer aan julle wat Klipdraai kamp gemis het. Ek was skoon verstom toe ek die ingang sien. Die netjies boonste parkeer area met die dam met ganse en eende is baie netjies. Die kamp was maar kort vir my gesin omdat ons laat moes werk, maar wanneer jy eers daar is, vergeet jy van al die dinge en geniet weer die Sawanante. Dit was n groot verrassing om Oom Anton en Tannie Sondra Koekemoer weer op n kamp te sien, en dit lyk vir my of hulle ons weer gereeld gaan vergesel.

Beach Club se besprekings het ons goed onkant betrap. Ons het goed slae gekry oor die besprekings wat reeds voltallig was by Klipdraai kamp. Na gebed, en dan samewerking van Johan Jacobs (voorsitter van Kemptonpark) is ons die hele oord toegestaan. Daarna kon ons almal wat op die waglys was akkommodeer, en weer vrede in ons streek geniet. Ons het weer Beach Club gekies vir volgende jaar se kersboomkamp, so maak maar n nota erens dat ons nie weer met n soortgelyke situasie sal sit nie. Carine het vir ons die keer klaar gereel om die hele oord te bespreek.

Ons het redelik min terugvoer verkry ivm ons versoeke per epos die laaste paar weke. Ek herinner julle dat min reaksie van ons lede ons werk baie vermoelik op bestuur. As ons geen ondersteuning in ons idees vir ons streek gaan kry nie, gaan ons vuur ook naderhand uitgeblaas word, dan drentel ons maar net aan en wag vir die jaar om verby te gaan. Help ons om opwinding en entoesiasme te kweek.

Met ons kas gaan dit stadig maar seker beter. Baie dankie aan die borge wat bydra om die kerskamp by Beach Club se kostes laag te hou. Finansies le nog altyd swaar op my skouers; al vandat ek penningmeester was 4 jaar terug. Ons huidige bedryfs kapitaal is nou so R8000, en ons verwag n matige koste vir die kersboomkamp te danke aan ons helpende lede. As jy voel jy kan n bydra maak met iets ouliks, of dalk koeldranke vir die kinders, sal ons dit baie waardeer. Ons balans gaan inderdaad direk ons volgende AJV uitgawes beïnvloed.

Baie dankie aan al ons medekampers saam wie ons gesin heerlike naweke geniet.

Vriendelike SAWA groete,
Marcel.

Redaksie

Mens kan nie glo dat 2017 so vining ten einde snel nie, maar hier is ons al in November besig om die Oktober uitgawe van die Kekkelbek te skryf.

Soos julle kan sien is ons besig om te kyk na nuwe voorkoms vir die Nuusbrief en ons sal graag julle kommentaar hieroor wil hoor.

Ons Matrikulante is hard aan die werk en tans besig met hulle finale jaar eind eksamen en ons as Redaksie wil een en elk net van die beste toewens. Mag dit met julle goed gaan en dat die uitslae sal wees wat julle verwag het.

Aan ons ander kinders wat ook nou besig is met hulle jaareind eksamen mag dit met julle baie goed gaan en mag julle en julle ouers trots wees op julle resultate en dat ons met die volgende Nuusbrief met julle kan spog.

Ons sal nalaat om die ouers van almal wat tans onderig ontvang; het sy op Universiteit, Kollege of Skool sterkte toe te wens. Ons weet uit ervaring dat die ouers harder studeer, bid en meer stress as daardie kind wat nou die leerder is.

Ons was ongelukkig nie teenwoordig by die Klipdraai kamp nie, maar Eugene Ferreira het vir ons soos gewoonlik puik fotos geneem wat ons hier onder plaas. As ek so na die fotos kyk was dit weereens 'n heerlike kamp.

Ons lede se kinders se prestasies begin nou instroom en ons gaan spesiaal aandag hieraan in die November Kekkelbek gee. As daar nog van die ouers is wat nog nie hulle kinders se prestasies met ons gedeel het nie, doen dit gerus sodat ons daarmee kan spog. Julle is welkom om ook prestasies wat die lede behaal het met ons te deel, bv sport, bevordering, nuwe poste ens ens. (Enige iets waarop ons trots kan wees.)

Julle is welkom om dit na die Sekretaresse, Carine van In, te stuur, of om enige inligting of insette met ons te deel by kloppers.frans@gmail.com

Ons sien uit daarna om julle tydens die Kerskamp weer te sien daar by Beach Klub

Groete

Redaksie.



FOTO ALBUM

Die Van Zyls kuier hond uit 'n bos



Die kinders baljaar in die swembad.....



.....terwyl die groot mense vlugbal speel



Die Senior burger maak gereed om te dien.



Ds Mike aan die Woord tydens die Erediens



Eugene en Beverley Ferreira ontvang hulle Aansporings plaatjie



Die Kampkommandante Kobus en Dries



Loodjie winner



Kan een mens so gelukkig wees?



Nog Loodjie weners Reney



en Kobus



Die voordeel van kamp...in die natuur tydens Erediens en Afsluiting



Boe-Boe Plaatjie



Die volgende is in ons oor gefluister:

Rian van Zyl is so opgewonde om met sy nuwe wa te kom kamp dat hy skoon vergeet dat die tent nie sonder anker toue staande sal bly nie. Gelukkig het hy 'n Skoonma naby wat deur raap en skraap vir hom tog toue kon leen tot Sondag. Riaan onthou net dit is "vreeslik ongemaklik" om hele naweek die tente regop te hou deur die pale vas te hou.

Ai die arme Adri van Brakel. Sal sy ooit weer haar kind se wa se sleutels vergeet? Goedgunstiglik sleep sy en Andre die kinders se wa Klipdraai toe. Hulle gaan daarna weer huis toe en Adri sit die wa se sleutels op die yskas in die kombuis neer. Die sleutels het net daar gebly nadat hulle terugkeer na Klipdraai. Adri les nommer 1..... sleutels kom nie self weer by kamp uit nie..... mens moet dit saam neem. Les nommer 2..... moet nie jou kinders se werk doen nie..... al is julle afgetree. Laat hulle maar self hulle sleutels vergeet.

Lag 'n Slag

Gister loop ek iewers heen en raak lui. Besluit toe om 'n kort pad deur die begraafplaas te vat.

Twee vroue kom aangeloop en vra om saam met my te stap omdat hulle bang is om alleen te stap.

Ek antwoord dat hulle nie sleg hoef te voel nie, want ek was ook maar bang om alleen te stap toe ek nog gelewe het.

Lanklaas twee vroue so gesien hardloop deur 'n begraafplaas.

Lief en Leed



Dit gaan oor die algemeen goed met die lede en hulle gesinne.

Ons gaan in die volgende uitgawe bietjie met al die prestasies spog. Sien Redaksie hierbo waar ons versoek dat alle prestasies deurgestuur word.



Daar is paar van ons lede wat tans deur moeilike tye gaan wat hulle gesondheid betref.

Ons harte gaan uit na hulle en ons gebed vir hulle is dat daar spoedig beterskap sal kom en dat die Groot Geneesheer Sy Vaderhand oor hulle sal hou.

Adri Van Brakel ontvang steeds kanker behandeling

Neels Otto se toestand het sodanig verbeter dat hy nou in die Hoë Sorg Eenheid van Midvaal Hospitaal behandel word. Volgens Werner gaan dit baie goed met hom daar. Die familie het versoek dat ons eers Pietra sal skakel voordat ons hom wil besoek.

Pietra Otto het self in die Intensiewe Sorg Eenheid beland met versteurde hartritme maar sy was verlede week oorgeplaas vir 'n paar dae na die Hoë Sorg saam met Neels, maar is genadiglik ontslaan en sterk nou aan tuis.

Chantel van Zyl het onlangs 'n operasie aan haar hande ondergaan en sy sukkel maar.

Louise van Zyl sukkel met haar heup en ervaar redelik ongemak.

Beverley Ferreira moet gaan vir 'n knieg operasie.

KAMP PROGRAM VIR 2017/2018

Kamp datum	Plek	Naaste dorp	Bywoning	KAMP KOMMANDANTE	Bespreekte plekke
27 - 29 Oktober 2017	Klipdraai	Meyerton	100	Dries en Kobus	
24 - 26 November 2017. (Kerskamp)	Riverside beach club	Vaalpark	10	Kinders	18
26 - 28 Januarie 2018	Sionbergh	Heidelberg	100	Eugene en Beverley	15
23 - 25 Februarie 2018	Geheime kamp [100km radius] van Vereeniging	Geheim	100	Marcel & Carine	maksimum 60 persone (kinders ingesluit)
30 Maart - 2 April 2018	Presidente	Meyerton	Joker	Vaaldriehoek	
27 April - 1 Mei 2018	Emanzini dam	Vrede		Eugene en Welmarie	15
25 - 27 Mei 2018	Eastco	Parys	100	George en Sarie	15
29 Junie - 1 Julie 2018	Malonjeni	Vereeniging		Jacques, Leon, Louise	15
27 - 29 Julie 2018	Umfula	Parys	100	Francois en Arelene	15
24 - 26 Augustus 2018	Sionbergh [AJV]	Heidelberg	100	Bestuur	20
21 - 24 September 2018	Bush Inn	Springs		Marius & Antoinette	15
26 - 28 Oktober 2018	Koppisol	Vereeniging	100	Andre & Petro	15
30 November - 1 Desember 2018	Beach Club	Vereeniging	100	Kinders	28

Neem asseblief kennis:

* Sou jul nou al jul bespreking vir seker kampe wil maak, epos my asb na sekretaresse.vaalrivier@hotmail.co.za.

* As ons dit so doen, en ek sien dat ons oor die 15 of minder as die 15 is kan ek nog die bespreking wysig. Behalwe by die Geheime kamp en Beach Club.

* Sommige van die oorde verwag 'n deposito, en vol betaling 2 weke voor die kamp.

* Kampkommandante bevestig asb jul kampe, indien u nie die kamp kan aanbied nie, laat weet my asb vroegtydig.